



1	4
1555	
99	



14  
1555  
卷 99

續翰林志上

翰林學士承旨朝請大夫中書舍人上柱國賜紫金魚袋蘇勳撰

李肇述翰林志禁庭之事詳矣至其引宋昌之言曰所言公則公言之所言私則王者無私之說言翰林制置任用非王者之私識者以為知言自唐氏之制駕在大內則於明福門內置院駕在興慶宮則於金明門內置院德宗時移院於金鑾坡上迄咸鎬為墟以梁苑為東都今二京學士院之制竝在樞密宣徽院之北蓋表其

翰林志書下

一知不足齋叢書

昭和十九年  
四月十日  
購求

深嚴宥密焉其學士立班常朝暨聖節行香并  
大忌進名竝隨樞密使坐次及行幸大宴在參  
知政事之後從北爲首每三元張燈及賜醮上  
御乾元樓臨軒觀樂憑欄設次坐在上將軍之  
上郊祀籍田青城之內設幕次於殿門東偏別  
設壇廬以爲寢所蓋備密命焉元稹翰林承旨  
學士記曰舊制學士無得以承旨爲名者應對  
顧問參會班第以官爲上下憲宗以永貞元年  
卽大位始命鄭絪爲承旨學士位在諸學士上

居位在東第一閣乘輿奉郊廟輒得乘廢馬自  
浴殿由內朝以從揭雞竿布大澤得升丹鳳之  
西南隅外賓客進見於麟德則上直禁中以俟  
凡大詔令大廢置丞相之密畫內外之密奏上  
之所甚注意者莫不專對他無得而比也

後唐天成三年八月敕掌綸之任擢才以居或  
自初命而升或自顯秩而授蓋重厥職靡繫其  
官雖事分皆同而行綴或異誠由往日未有定  
規議官位則上下不常論職次則後先爲敘宜

行顯命當正近班今後翰林學士入院竝以先後為定惟承旨一員出自朕意不計官資先後竝在學士之上仍編入翰林志旋召張昭遠下字與漢祖御名同後只名昭入院以其早踐綸闈久司史筆會居憲府累陟貳卿今既擢在禁林所宜別宣班序其立位宜次崔悅夫禁庭之職儒者之至榮外望之所忌豈居是職者專列人之短於君父之前耶則為恭顯靳費之流耳奚為服儒服而食天祿乎唐陸贄抗疏論吳通元弟兄云學

士是天子私人侵敗綱紀宰臣有備位之號不知贄於是時所為何如哉貞元中時人謂學士為內相亦忌其親密也

晉天福六年五月詔曰六典云中書舍人掌侍奉進奏參議表章凡詔旨制敕璽書策命皆案故事起草進畫既下則署而行之其禁有四一曰漏洩二曰稽緩三曰違失四曰忘誤所以重王命也古昔已來典實斯在爰從近代別創新名今運屬興王事從師古俾仍舊貫以耀前規

其翰林學士院公事宜並歸中書舍人從宰臣  
馮道之奏也自是舍人書直者當中書制夜直  
者當內制至開運元年六月復有詔曰翰林學  
士與中書舍人分爲兩制各置六員偶自近年  
權停內署況司詔命必在深嚴將使從宜卻令  
仍舊宜復置學士院蓋宰臣桑維翰秉政將戾  
於道故乃復焉自此班秩再有倫矣

後唐長興元年二月翰林學士劉昫奏臣伏見  
本院舊例學士入院除中書舍人卽不試其餘

官資皆須先試麻制荅蕃書批荅各一道詩賦  
各一首號曰五題所試並是當日內了便具進  
呈從前雖有召試之名而無考校之實每值召  
試新學士日或有援者皆預出五題暗令宿構  
至時但寫淨本便取職名若無援者卽臨時特  
出五題旋令起草縱饒負藝罕能成功去雷皆  
繫於梯媒得失盡由於偏黨此乃抑挫孤寒之  
道開張巧僞之門積弊相沿澆風未改將裨聖  
政須立新規況今伏值皇帝陛下德合乾坤明

縣日月大興淳化盡革澆風矧惟翰墨之司專  
掌絲綸之命宜從正直務絕阿私自今後凡有  
本院召試新學士欲請權停詩賦只試麻制答  
蕃書并批荅共三道仍請內賜題目兼定字數  
付本院召試然後考其臧否定其取捨貴從務  
實以示均平庶令孤進者得展勤勞朋比者不  
能欺罔事關穩便合貢芻蕘從之

凡倣直之數上自諸行尚書三十五直下至白  
身一百四十直必須圓融其直先五直舊學士

一點次三直一點又次二直一點此三等隨日

多少令其均勻永為定式晉開運中楊昭儉直

之數等第除減條為定式申中書門下仍刻石

在置員外郎入舊入十直今改為五十直郎中

入舊六十直今改為四十直他官入舊一百直

今改為八十直自員外郎知制誥轉正郎仍舊

六十直今改為三十直正拜舍人舊四十直今

改為二十直自常侍諫議給事拜舍人舊四十

直今改為二十直應舊官再入約其內制倣直  
前任減半今附於此貴存舊章

及吉凶疾病諸假則例自具翰林舊規學士起

復之制周朝已前未聞其例周世宗時故內翰王公著

今揆相李公昉俱遭內艱屬世宗北伐並起復

隨駕書詔繁委之際即不皇敘合倣直與不倣  
直迄 皇朝端拱元年閏五月易簡遭家艱奉

八

五知不足齋叢書

諸抑奪遂與翰長以下商議依鳳閣壁記體例同舊官再入約計前直減半是時復倣直二十

五直至皇朝今揆相李公獨直禁林奉旨令

每雙日夜直隻日下直可以永為通式也四禁

之中漏洩為最故草制之夕遲明必闔院門之

雙扉當制學士坐於玉堂上止吏人之出入者

俟宣制訖方啓戶焉文翰之職優待之異者後

唐同光中賜承旨學士盧質論思翊佐功臣旋

節制河中馮瀛王送之詩云視草北來梁開平

唐學士擁麾西去漢將軍時人榮之

中以前進士鄭致雍為學士晉開運中賜本院

書詔金印一面周顯德中以向來學士與常參

官五日一度起居世宗欲令朝夕接見訪以時

事乃下詔曰翰林學士職係禁庭地居親近與

班行而既異在朝請以宜殊起今後當直下直

學士竝宜令逐日起居其當直學士仍赴晚朝

舊制每命將出師勞還曲宴於便殿則當直學

士一人與文明密直得預坐今揆相李公故尚

會預斯宴後為閣門使梁迥至皇朝太祖

輕鄙儒士啓太祖罷之英武聖文神德皇帝因致酒於紫雲樓下命兩

制侍宴權甚因命中書舍人來晨宜綴內制起居今爲通式仍各賜書千卷以備檢閱舊體每遊讌止學士得赴召暨 皇上畱心儒墨旌賞文翰時綸閣之士始召赴曲宴或令和御詩舍人從游宴自此始也厥後立春鏤銀飾彩旛勝之物亦及之太平興國八年召閣下舍人李公

穆宋公白賈公黃中呂公蒙正李公至入院時

承旨扈公蒙贈詩賀之有五鳳齊飛入禁林之句爲一時之盛事其或觀稼於南薰門賞花於

含芳園春晝嚴蹕百司景從幸國西之金明池下雕輦登龍舟都人駕肩百樂具舉憩瓊林苑由複道御層樓臨軒置酒以閱繁盛兩制必侍從焉至上林春融千花萬卉妍麗冠絕 上必曲宴宰衡勳舊召兩制詞臣俯龍池垂金鈎舉觴賦詩終日而罷 上嘗謂宰執近臣曰詞臣實神仙之職也翊日凡所進詩悉迴御毫屬和以賜焉

雍熙三年十月敕曰兩制詞臣公朝精選典司



綸誥親近冕旒宜於俸祿之閒特示優異起今  
後兩制俸料並以見緡充

上聽政之暇搜訪鍾王之迹以資閱玩焉御毫  
飛動神機妙思出其軌制乃召書學之有格性  
者置於便殿躬自省閱仍授以筆法既覩其有  
成各賜以章服象笏令入院充待詔者八人自  
是書詔四出寰海之內咸識禁中之墨妙焉

舊體學士凡召入院止賜白成釘都了反口銀鞍  
勒馬暨今上卽位優待特異賜金鍍銀鬧裝

鞍勒馬對衣荔枝金帶郊禋禮畢賜對衣金帶

或牯犀帶金魚副之朝士自唐末久闕佩魚者迄今方復之十月

朔舊賜對衣紅錦袍上特以細花熟錦袍代

之淳化三年冬代以細花盤雕錦袍其制下丞相一等自是遠方之珍果

天府之法釀龍鳳之茗薜伏臘之餅餌以時而

賜悉加等焉玉堂東西壁延袤數丈悉畫水以

布之風濤浩渺擬瀛洲之象也待詔董羽之筆脩篁皓

鶴悉圖廊廡奇花異木羅植軒砌每外喧已寂

內務不至風傳禁漏月色滿庭真人世之仙境

也

續翰林志註

*[Faded bleed-through text from the reverse side of the page]*

續翰林志下杏人之數亦已

學士拜命先閤門受制書於常朝殿門之階上

舊體召入院後差中使賜拜伏跪受訖於便殿對敷陳述寵

用遭值之由謂之告謝 上必從容賜坐錫以

茶藥而退選日謝恩前一日待詔一人就宅宣

召預於庭設裯褥堂設酒醴待詔稱有敕望皇

居拜伏聽命其辭皆獎飾嚴召之意於本院舊學士處請

本又舞蹈訖升堂飲饌以謝恩奏狀拜伏跪授

之來日待詔迎於待漏院與新學士偕行引至

閣門而退閣門舍人始引入中謝賜對衣金帶

金塗鞍勒馬

近例就院轉官惟承旨則賜分物  
敕設如初拜之禮餘不得比矣

入本院上事宜徽院告報敕設儀鸞宿陳帟幕

太官備珍饌設上尊酒茗果畢至赴是設者止

鳳閣舍人餘不得預坐

舊體禁中上事元無樂  
前代或有令伎藝人弄

獼猴藏珠  
之戲者

玉堂之上惟上事受吏人賀禮始得正坐餘雖

承旨亦須坐於東廂其副翰坐西廂餘依雙隻

對坐居是職者人物之選亦已極矣儒墨之榮

亦已至矣苟能節用以安貧杜門以省事探真

如之旨養浩然之氣來者瞻望其出處時君優

假其顏色逍遙卒歲非神仙而何每上直一依

舊制入者先之出者後之或會食日盱之後同

列出院當直學士苟已褫巾笏則可紗帽鞞履

送至玉堂之簾下蓋同列相恕其坦率也或禁

直垂簾人靜之際則有中使忽降御詩宣令屬

和則必尋拜謝狀後信宿方和進如聲韻奇險

難以賡載者必拜章瀝懇陳述寡和之意優詔

多免焉每錫賜謝恩奏狀必當直草或郊禋行  
慶制命填委必聚廳以分草之其餘書詔辭祝  
頃刻之間雖續紛而至必獨當之或數直有不  
草一詞者自可探蹟往詰研窮理體以備顧問  
焉

李肇翰林志曰凡將相告身用金花五色綾紙

唐乾寧二年十月十日李鋌自黔南節  
相授京兆尹兩度咨報中書用白綾紙今親王

相告身竝用金花五色白背綾紙皇后貴主用  
金花五色白背羅紙不帶使相者用金花五色

白背綾紙觀察使及參知政事樞密副使簽署  
樞密院公事竝五色綾紙無金花諸蕃酋長蠻  
王鬼主官告中書省草詞送本院寫皆五色綾

白背紙

一本作白  
大綾紙

俱新制也

舊體樞密使未帶使相者不宣麻至周太祖初  
潛歷是任乃宣制於公朝今之宣麻自周太祖  
始也

晉天福二年中書奏准翰林志凡赦書德音立  
后建儲行大誅討拜免三公宰相命將內制竝

使白麻紙不使印雙日起草候閣門鑰入而後  
進呈至隻日百寮立班於宣政殿今於文德殿樞密  
使引案今以閣門使引自東上閣出若拜免宰相即付  
通事舍人餘付中書門下並通事舍人宣示若  
機務急速亦使雙日甚速者雖休暇亦追班據  
翰林志言立后不言立妃言儲君不言親王公  
主兼三師位在三公之上文並不載今後立妃  
及拜免三師三公宰相命將封親王公主並降  
制命餘從令式天成三年十二月日學士院記

事樞密院近送到知高麗國諸軍事王建表令  
賜詔書者其高麗國先未曾有人使到闕院中  
並無彼國詔書式樣未審呼卿為復呼汝兼使  
何色紙書寫及封裏事例伏請特賜參酌詳定  
報院者中書帖太常禮院令具體例分析申堂  
據狀申謹案太宗親平其國不立後嗣是以書  
詔無賜高麗國式樣且東夷最大是新羅國請  
約新羅國王書詔體例脩寫奉敕所賜高麗王  
書詔宜依賜新羅渤海兩蕃書詔體書寫天復三年

七月二十一日學士柳璨宣對思政殿便令到院宣示待詔自今後凡寫敕後面不得留空紙但圓融畫敕及日便得剩紙璨即日宣示之

周顯德中宣諭翰林院今後凡與諸王詔書除本名外其文詞內有字與本名同者宜改避之唐韋處厚翰林學士壁記言禁林之材用備矣迄朱梁而下以大材登大用比比而去此不能錄今略紀數公事迹以表世不乏賢也餘具譜牒國史謹厚則竇儀李懌徐台符吳承範典麗則李瀚陶穀張沆商鵬魚崇諒扈蒙放誕則王著歐陽

炳審音則竇儼孝謹則劉溫叟嗜學則張昭申文炳其餘不可勝紀惟陶與竇真禁林之傑者而竇以凝重陶以輕躁圓鑿方柄即可知矣李懌於天成中入直禁署時宰執以司會貢士呈試多不合格式起請令翰林學士各為格詩格賦一首以為繩準時同職各已撰成送中書中書吏累督懌令撰之懌曰李某識字有數因人成事苟令復應進士落第必矣今備位禁署後生可畏焉能以格詩格賦垂於世哉終不下

筆時論喧然以爲知大體

承範以稟賦敦厚時宰屢有薦延言可大用公  
台之望日隆矣每盛暑必危坐奧室加以純絲  
慮有寒溼之疾其自重也如此卒不登用其命  
也夫沆與承範及鵬皆盧華侍郎下進士擢第  
同年范禹偁江文蔚流落吳蜀亦居僞庭之內  
署一榜之內學士五人自有科第已來未有若  
斯之盛者也

台符早以亂罹曾陷北虜因閒遜歸所乘馬當

多嘶鳴暨晝伏宵行則帖耳屏息逮至中土嘶  
鳴如故識者以爲積善之徵後處禁林周世宗  
必欲置之廊廟將擇吉日宣制一日內直忽終  
於玉堂車駕親臨救以上藥已奄然矣

瀚以詞藻特麗俊秀不羣長興中於太傅和魯  
公下進士擢第未數載與座主同列內署和大  
拜之制瀚實草之不俟和命其閣中器皿動用  
盡括歸私室以爲濡潤後以石晉不造陷於虜  
庭亦神鋒太峻之故也

周世宗初踐祚北征劉崇旋召魚公復掌文翰  
時以母老侍養於陝府久而不至乃召陶公陶  
則不俟駕行謁見行在且稱崇諒懼劉崇兵勝  
有顧望之意上益不樂自此升沈不侔矣陶厥  
後自以官居八座位至承旨且欲軋同列之官  
卑者乃起請令今後學士合班儀在諸行侍郎  
之下如官至丞郎者即在常侍之上官至尙書  
者依本班迄今以爲準焉與失先人後己之道  
戾矣士大夫嘉其文而鄙其行焉

舊體知制誥  
在尙書之上

學士在左右  
僕射之上

蒙以仲弟載先直禁署未幾卽世蒙繼入焉洎  
居兩制出處僅三十年嘗預脩五代史至於衰  
耄頗倦直形於詞色後以工部尙書解職不數  
月而逝

著以周世宗代邸舊寮倍有眷注暨世宗卽大  
位亦嘗於曲宴揚袂起舞上優容之或夜召訪  
以時政屢沈湎不能言

炳以僞蜀順化旋召入院嘗不巾不韞見客於



玉堂之上尤善長笛 太祖嘗置酒令奏數弄  
後以右貂終於西洛

儼乃儀之仲弟也嘗與儀連翩知貢舉直內署  
時比之二陸焉昆季五人皆擢進士第時亦謂  
之五龍闈門之內近實罕比周世宗顯德五年  
冬將立歲仗前一日親至於樂懸之下問雅音  
於工師皆不能荅因令儼知太常卿事與樞密  
使王朴同詳定之乃用古累黍之法以審其度  
造成律准其形如琴而巨凡十二弦以定六律

六呂旋相爲宮之義世宗善之至是登歌酌獻  
始有倫矣

溫叟乃太常卿岳之子也於晉室開運中召入  
院乃捧命書慶於高堂其母不登時見之溫叟  
在堂下俟命聞動扇鑰聲莫審其由未幾兩青  
衣皆舛角舉一箱其中則紫綬兼衣立於庭中  
母方命捲簾見其子曰此卽爾父在禁中日內  
庫所錫者溫叟卽搢笏垂泣跪捧退開家廟列  
祀以文告之其母僅旬日不見其子蓋感愴之

意也

昭以嗜學苦節冠於縉紳清資華貫無所不歷於唐末簡策遺墜之後能糾合遺言著成唐書至於褒貶是非咸得其理文炳爲學之志老而彌篤躬鈔圖史僅盈數篋其所爲文多自注釋之筆迹老熟人尙有傳者餘悉位以才陞何假評品其文格焉

夫學士之稱職之至美也至於列位黃閣尙帶大學士之號唐張說猶讓而不處焉則爲儒之

貴莫越於此唐朝侍講侍書侍讀皆帶此職後唐同光元年置護鑾書制學士以倉部員外郎趙鳳爲之梁開平三年正月改思政殿爲金鑾殿置大學士一員以景翔爲之與館殿大學士同至 皇朝太平興國五年始命禮部侍郎程羽爲文明殿學士文明之號自茲始也後唐天成元年命馮道趙鳳充端明殿學士非舊號也仍詔云班立在翰林學士之上如有轉改只於翰林學士中選蓋樞密使不曉文義故署此職

馮道笏記云天下儒生僅餘萬數殿前學士只有兩人時輩榮之本職在官下  
趙鳳轉侍郎遣人諷任園移職在官上至今為  
例梁開平元年五月改樞密院為崇政院命景  
翔為院使二年十月置崇政院直學士兩員選  
有政術文學者為之始以尙書吏部郎中吳藹  
兵部郎中李璵金門之兄充選又改為直崇政院後  
唐同光中依舊為樞密院亦置密直學士一人  
班次在翰林學士之下上之數職雖非視草入  
直而職名相近故亦附於志云

丙戌歲易簡始自祠曹外郎知制誥蒙恩召入  
院逮今六載略無塵露以益山海今歲驟自祠  
曹正郎改授中書舍人充承旨之職非才非望  
益負愧惕因視草之暇集成此書以繼李公之  
作餘後之制置新規俟他日別加編纂焉時  
皇宋龍集辛卯淳化紀號之二年孟冬朔日

續翰林志下

Blank page with vertical lines, likely a table or list of names.

次續翰林志

第二男 者 纂

先公自太平興國庚辰歲首登上第不由館殿  
直升綸閣從釋褐凡七年召入翰苑 先帝睽  
注隆厚垂欲大用者數矣以尙少但加承旨之  
號以榮之凡八換炎涼方參預政事有唐以爲  
榮滯相半不虛矣在玉堂日書詔之暇集近朝  
故事號續翰林志其末云後之制置新規俟他  
日別加編纂焉尋以中樞務繁晨趨夕返旋又

出鎮穰下故未遂周序其事嗚呼先公遭時遇  
主騰拔雲漢才名振赫非不大矣職位隆顯非  
不達矣而壽不登於強仕志未展於一時莫報  
寵光旋悲朝露豈使君臣盛美之事禁林榮耀  
之蹟不傳於後世邪次子耆出宰烏程居多暇  
日因泣血編錄附於志後目之曰次續翰林志  
云耳

先公於丙戌歲始入翰林時翰長宋公白副翰  
賈公黃中皆先達鉅儒同在鼇署公乃作古詩

數百言序述疇昔遭逢之由二公亦以歌荅之

今悉附  
之於後

宋卽南宮座主也纔及七歲遂爲同列

故其歌云疇昔聊爲尺木階而今真是青雲友  
賈卽嘗任補袞闕民田於澤郡時先公方在幼  
齡祖父攜而謁之仍以文爲贄賈贈詩曰曲江  
願作先容客看醉春風上五雲十餘年更直內  
署於今朝野流爲美談

國家舊制郊祀之禮惟宣祖皇帝侑神作主  
公受詔攝禮儀使乃拜疏云太祖皇帝受命

造宋垂於無窮不預嚴配恐乖天人之意仍唐  
永徽中高祖太宗同配故事 上優詔褒美朝  
廷躉之迄今以為定制焉

公始撰翰林志成以獻 上大悅特賜宸章兩  
篇皆獎飾褒美之旨其後御批云詩意者因卿  
進續翰林志美居清華之地也尋刻石於玉堂  
之東序焉時傳本四出人得之者咸以為榮  
先帝以玉署之設其來尚矣但虛傳其號而無  
正名乃於紅綃上御書飛白四字題曰玉堂之

請來讀與卿及凌晨對敷方盡詳悉公乃自撰  
大言賦以進詞曰 皇帝書白龍牋作大言賦  
賜玉堂臣易簡御筆煌煌雄詞洋洋瓌瑋博達  
不可備詳詔臣陞殿躬指其理且歎宋玉之奇  
怪也因伏而奏曰恨宋玉不與陛下同時 帝  
曰噫何代無人焉卿為朕言之臣曰聖人興兮  
告成功登崑崙兮展升中 崑崙南屬地居天 地為席兮  
餐祖宗天起籟兮調笙鏞日烏月兔耀文明也  
參旗井鉞嚴武衛也執北斗兮奠元酒也削西

華兮爲石礮也飛雲涌霞騰燔燎也剝鯨腊鴈  
代鷓鴣也飛雷三發山神呼也流電三激燿火  
舉也禮載獻兮淳風還君百拜兮天神懽四時  
一周兮萬八千年太山融兮溟海乾圓蓋允兮  
方輿穿君王壽兮無窮焉時殿上皆呼萬歲  
上覽之嘉嘆再三賜大言賦名四句其序曰宋  
玉遇侯王則未足以爲美易簡逢眞主堪師法  
於後人兼賜卿大言賦名四句少年盛世兮爲  
詞臣古往今來兮有幾人首出文章兮居翰林

署以賜焉鈿軸晶瑩降從天上御香馥郁傳到  
人閒遂捧歸私第以慶耀其親時祖母太夫人  
具命服焚香設拜而觀之喜歎之聲動於鄰里  
卽命置於本院中擇日懸挂乃具肩鏞於玉堂  
之上其御札至今鎖之或學士上事及  
賜敕設卽令開之焚香而觀焉自待詔  
院吏而下咸列賀於庭公曰自唐置學士來幾  
三百年今日方知貴矣卽日詔宰輔暨兩制詞  
臣就院敕設宴帳之盛無如是時仍賦長韻詩  
一章以記其事其詩目曰禁林燕  
會集今附之於後

有唐學士院深嚴非本院人不可遽入雖中使  
宣示及有文書必先動鈴索立於門外俟本院  
小判官出授訖授院使院使授學士自五代以  
來其制久廢公因召對言之 上可其奏自是  
院內復置鈴索焉

淳化中公方在宿直夜將及乙就枕已久忽鈴  
索聲動卽中使齋御草書宋玉大言賦以賜公  
卽具簪笏張燭望宸居再拜而發焉續有劄子  
云朕草宋玉大言以賜卿不識來朝因呈文書

儒名善守兮合緣寅已勒石於書閣之西序矣  
先是內院逼近禁闈地復狹窄前後書詔繁萃  
積於房廊多所損潤公乃於玉堂後廡建二書  
閣東西交映藻繪閒飾自是文籍有附焉閣之  
上下悉命僧巨然畫煙嵐曉景以布之筆跡野  
逸效李成之作而又自成一家之妙

唐制學士每有除拜他職必納光院錢以爲公  
用自丞相而下各有差等五代以還其儀久闕  
公振舉而復之自是院中費用及待詔而下伏



臘之資告足公入參之日首納百千 上恩詔  
特令迴賜

公嘗奏事歸院 上卽時宣召顧左右曰宣蘇  
某來及對敷而退 上猶未起又曰宣當直學  
士來及再引對畢未及到廳 上又曰召承旨  
來時雖處內署而兩地政事多所詢訪蓋聖語  
有所未盡故一日凡三接見而三易其稱特眷  
注之深厚耳

國朝舊制有殿前承旨頗甚繁雜及公拜翰林

承旨 上以其稱呼不別又惡其與清貴混淆  
詔改爲三班奉職以避其稱也

公嘗早朝省覲其母於堂上燭滅誤爲門扉傷  
其額及引對 上再三顧矚曰豈非因酒乎公  
再拜具以實對 上曰待歸院續有藥去及移  
時中使至於金合內有藥一刀圭許其色微碧  
及生猪肉一臠 內中無猪肉蓋令  
旋於屠家取之 中人遽請偃  
息傅藥於上以肉貼之不食許時揭去其肉痂  
隨而起宛如無傷蓋神異之方也

公一日在院內以水一斛試欹器焉。上令中黃門偵知遽奏其事而莫辨其器及晚朝。上曰：卿在院中所玩得非欹器乎？公初亦驚，但尋奏曰：臣昔任官江左，因而得之，乃李氏義族收所作實欹器之遺象也。上遽命取來，乃於便殿躬自校試，再三歎美之。公乃進曰：臣聞日中則昃，月滿則虧，器盈則覆，物盛則衰，願陛下持盈守成，慎終如始，固萬世基業，天下幸甚。上深加聽納，因卽獻之。自後制度亦罕有傳者。

公久在禁林，連典貢部，自前南宮首薦及殿庭

覆考試多所改易，及公薦陳樞相堯叟孫紫微

何一不搖動天下，伏其知人寒暑之流，牢籠殆

盡，雖退黜者曾無怨言。場屋之間，至今歌詠

上以公飲酒過多，恐成疾患，因乾明聖節，宣近

御座，委曲勸勉，至於再三，凡移數刻，左右大臣

莫不聳聽，公感戴恩惠，但垂涕再拜而已。來日

具狀稱謝，上於表後御書批荅云：覽卿之謝

過表章其辭也，深合朕意。卿擢登高級，盛美儒

林敗德之名克先爲誠知非能改於不二諸事  
豈假於再三手札不多賜蘇某凡奏狀縫上皆  
御寶印之續降一劄子云昨日賜卿批荅念速  
今日始捻舊本子看誤使一辞字卿改卻著公  
卽具狀謝仍面奏辞字從舌乃是正文并檢虞  
監書者辞字進呈上大悅曰非卿博識朕以  
爲誤矣

上嘗御便殿案上有御書一紙乃銷金紙飛白  
一香者公乃拜乞上雖許而未卽賜坐閒呂

宮師

蒙正

因奏事覓之又乞

上曰適已許賜蘇

某矣遽命公取之公袖以致謝左右無不健  
焉

公與襄陵賈公內直禁署嘗相謂曰今兩地大  
僚請酒至多而罕有相遺者因各有不平之氣  
未幾賈公入參大政又數月蔑聞有濃醪之贈  
公因飛一絕以贈之憶昔當初直禁林共嗟難  
得酒如金此時寂寞垂簾坐惆悵無人話此心  
賈公見之方悟因大笑封送酒歷恣其所請公

乃預請數月凡僅百壺好事者即日傳於都下

草麻潤筆自隋唐以來皆有之

鄭譯隋文時自隆州刺史復國

公爵令李德林作詔高顯戲之曰筆頭乾譯答

日出為方伯杖策而歸不得一錢何以潤筆

近朝武臣移鎮及大僚除拜因循多不送遺

先帝以公久在內署慮經費有關特定草麻例

物朝謝日命閣門督之既得因以書進呈自是

無敢有關者迄今以為定制

公嘗劇飲寢於直廬夜將分中人宣召遽起以

水沃面具簪笏以朝而方醉中乃賜坐訪以外

事應對如流略無舛誤仍令草王密使

名駁麻

及袖歸院晨竝不之記

上亦不覺其醉自以

為神助聞者莫不驚異焉

公書詔之暇日飲醇酎

上御草書戒酒勸酒

詩二章以賜仍令與祖母讀之何人冑立杜康

廟又拉劉伶在畔頭願得黃金千萬錠一時送

與酒家休

又

九醞香醪一曲歌本圖閑放養天

和後人不會先賢意破國亡家事極多

倖直之制自五代以還頗亦湮廢雖有舊規而

罕能遵守公自始入洎起皆力行之亦未嘗借  
請同院代直自是羣官亦無敢隳其例者因酌  
楊八座昭鳳閣倣直例勒石龕於玉堂之東北  
隅

凡此數事悉先公在儒林之殊迹也者是時方  
在幼齡十不記其一二慮年代浸遠徽烈無聞  
因以編修刊於緗素一則表 神宗優賢之異  
二則彰先公遭遇之由垂示方來諒亦無愧時  
聖上幸亳之歲孟春月書

次續翰林志



李昉 七月遷給事中罷

扈蒙 七月以中書舍人史館脩撰拜

乾德

元陶穀

王著 員外郎罷

扈蒙

十月貴左贊善大夫罷

竇儀 十月以工部尚書拜

二陶穀

竇儀

三陶穀

竇儀

歐陽迥

八月以左散騎常侍拜

四陶穀

竇儀 十一月

歐陽迥

五陶穀

歐陽迥

元寶

元陶穀

歐陽迥

五陶穀

歐陽迥

盧多遜

月以兵部員外郎知制誥直院

三陶穀

歐陽迥

盧多遜

四歐陽迥

六月以本官分司西京罷

盧多遜 十二月

五盧多遜

命范仲淹書下

字知不足齋叢書

六盧多遜 九月以中書舍人拜

張澹 四月以左補闕知制誥權直院

七張澹 六月

八

九

太平興國

元湯悅 十一月自太子少詹事為直院 徐鉉 十一月自太子少詹事為直院

二湯悅 徐鉉

扈蒙 正月以中書舍人復拜

三湯悅 徐鉉

扈蒙 宋白

四湯悅 九月遷光祿卿罷 徐鉉

扈蒙 宋白

五徐鉉 扈蒙

六徐鉉 扈蒙

七徐鉉 扈蒙

八徐鉉 六月遷左散騎常侍罷 扈蒙

李穆 五月以中書舍人拜承旨十一月除參知政事



宋白

五月以中書舍人拜承旨

賈黃中

五月以駕部員外郎知制誥為司封郎中拜學士

呂蒙正

五月以左補闕知制誥為都官郎中拜學士十一月除參知政事

李至

五月以左補闕知制誥為比部郎中拜學士十一月除參知政事

雍熙

元扈蒙

宋白

賈黃中

一扈蒙

月遷工部尚書罷

宋白

蘇易簡

賈黃中

三宋白

賈黃中

蘇易簡

四宋白

賈黃中

蘇易簡

端拱

元宋白

賈黃中

蘇易簡

二宋白

賈黃中

蘇易簡

李沆

三月以職方員外郎知制誥拜

淳化

元宋白

賈黃中

蘇易簡

李沆

二宋白

九月責保大軍司馬罷

賈黃中

九月除參知政事

蘇易簡

九月遷中書舍人承旨

李沆

九月除參知政事

韓丕

十月以左議大夫拜

畢士安

十一月以考功員外郎知制誥拜

三蘇易簡

韓丕

畢士安

四蘇易簡

十一月除參知政事

韓丕

五月以本官罷

畢士安

五月以右諫議大夫知昇州罷

張洎

五月以右諫議大夫史館脩撰為中書舍人拜

錢若水

五月以屯田員外郎知制誥為職方員外郎拜

五張洎

錢若水

至道

元張洎

四月除參知政事

錢若水

正月除同知樞密院

宋湜

正月以職方員外郎知制誥拜

王禹偁

五月以禮部員外郎知制誥拜

翰林外臺書下

三三知不足齋叢書

宋白 四月以禮部侍郎復為承旨

二宋湜 宋白

三宋湜 宋白

楊礪 八月以給事中拜 王且 八月以中書舍人拜

咸平

元宋湜 十一月除樞密副使 宋白

楊礪 二月除樞密副使 王且

二宋白 王且 二月除同知樞密院

三宋白 梁周翰 五月以駕部郎中知制誥拜

師顏 五月以刑部郎中知制誥拜 朱昂 五月以吏部郎中知制誥拜

王欽若 言知制誥拜

四宋白 梁周翰

師顏 朱昂 五月以工部侍郎致仕

王欽若 四月除參知政事

五宋白 梁周翰

師顏 八月卒

六宋白 梁周翰

景德

翰屯軍營下

孟西知不足齋叢書

元宋白

梁周翰

趙安仁

七月以左正言知制誥拜

宋白

五月遷刑部尚書集賢院學士罷

梁周翰

五月遷給事中罷

趙安仁

二月除參知政事

晁迥

五月以起復左諫議大夫拜

李宗諤

五月以起居舍人知制誥拜

三晁迥

李宗諤

楊億

十一月以左司諫知制誥拜

四晁迥

李宗諤

楊億

大中祥符

元晁迥

李宗諤

楊億

二晁迥

李宗諤

楊億

三晁迥

李宗諤

楊億

四晁迥

李宗諤

分卷下

三五知不足齋叢書

楊億

五晁迥

李宗諤

楊億

六晁迥

李宗諤 五月卒

楊億

六月以太常少卿分司西京罷

陳彭年

六月以龍圖閣直學士左諫議大夫拜

李維

六月以左司郎中知制誥拜

王會

六月以主客郎中知制誥拜

七晁迥

陳彭年

李維

王會

八晁迥

陳彭年

李維

王會

九晁迥

陳彭年

九月除參知政事

李維

王會

九月除參知政事

李迪

八月以陝西都轉運使集賢院學士拜

天禧

元晁迥

李維

李迪

九月除參知政事

二晁迥

十一月遷承旨

李維

五月以戶部侍郎集賢院學士罷

分苑書下

三去知不足齋叢書

錢惟演 正月以工部侍郎拜 盛度 十一月以戶部侍郎知制誥拜

三晁迥 錢惟演

盛度

四晁迥 四月以工部侍郎集賢院學士判西京留臺罷

錢惟演 八月除樞密副使 盛度 七月責知光州罷

楊億 四月以起復工部侍郎復拜十二月卒

劉筠 八月以兵部員外郎知制誥拜 晏殊 八月以戶部員外郎知制誥拜

五劉筠 正月以右諫議大夫知廬州罷 晏殊

李諮 正月復外郎知制誥拜 李維 正月復拜承旨

乾興

元晏殊 李諮

李維 宋綬 九月以戶部郎中知制誥

劉筠 八月以給事中復拜十一月除御史中丞罷

天聖

元晏殊 李諮

李維

二晏殊 李諮

李維

三晏殊 十一月除樞密副使

李諮 九月除樞密直學士知洪州罷

李維

宋綬 四月拜

錢易 十月以左司郎中知制誥拜

四李維 三月改相州觀察使罷

宋綬

錢易 正月卒

夏竦 二月以起復戶部郎中知制誥拜

蔡齊 五月以起居舍人知制誥拜

章得象 五月以兵部郎中知制誥拜

五宋綬

夏竦 三月以右諫議大夫除樞密副使

蔡齊

章得象

陳堯咨 二月以龍圖閣學士工部侍郎權知開封府拜八月除宿州觀察使罷

六宋綬

蔡齊 七月除禮部侍郎龍圖閣學士知河南府罷

章得象

馮元 九月以龍圖閣學士兼侍講學士禮部郎中同脩國史拜

陳堯佐 九月以樞密直學士左諫議大夫權知開封府罷

七宋綬 七月罷

章得象

馮元

陳堯佐 二月除樞密副使

八宋綬 四月復拜

章得象

馮元

徐夷 四月以禮部郎中知制誥拜九月卒

翰苑書下

三天知不足齋叢書

九宋綬十月以龍圖學士知應天府罷章得象

馮元

明道

元章得象

馮元

二章得象

馮元

景祐

元章得象

石中立正月以給事中知制誥拜

張觀正月以刑部郎中知制誥拜

二章得象二月遷承旨

石中立

張觀

三章得象

十二月除同知樞密院石中立三月除參知政事

張觀

二月除給事中御史中丞罷丁度三月以刑部郎中知制誥拜

晁宗慤

三月以起復刑部郎中知制誥拜

四丁度

晁宗慤

胥偃

閏四月以工部郎中知制誥拜

李淑

閏四月以禮部員外郎知制誥拜

寶元

元丁度

晁宗慤



胥偃

李淑三月除侍讀學士罷

宋庠三月以刑部員外郎知制誥拜

二丁度

晁宗慤

胥偃八月

宋庠十一月除左諫議大夫參知政事

王舉正八月以兵部郎中知制誥拜

柳植八月以工部郎中知制誥知杭州拜十一月以左諫議大夫除權御史中丞罷

康定

元丁度

晁宗慤九月除左諫議大夫參知政事

王舉正

王堯臣正月以左司諫知制誥拜

元丁度承旨月遷

王舉正五月除左諫議大夫參知政事

王堯臣

聶冠卿四月以兵部郎中知制誥拜

王拱辰五月以左正蘇紳五月以刑部員外郎知制誥拜

二丁度

王堯臣

聶冠卿 九月卒

王拱辰 三月以右諫議大夫權御史中丞罷

蘇紳 十月以起居舍人知制誥拜

富弼 十月以左正言知制誥拜固辭罷

三丁度 王堯臣

蘇紳 七月除龍圖閣學士知揚州罷

葉清臣 十月以龍圖閣直學士禮部郎中拜

宋祁

四丁度 王堯臣

吳育 葉清臣

宋祁

五丁度 四月以工部侍郎除樞密副使

吳育 正月以右諫議大夫除樞密副使

葉清臣 十一月除翰林侍讀學士知邠州罷

朱祁 二月以翰林侍讀學士兼龍圖閣學士罷

孫抃 二月以起居舍人知制誥拜

梁適 十一月以樞密直學士禮部郎中知瀘州

蘇紳 十月以龍圖閣學士禮部郎中復拜

六王堯臣

孫抃

張方平

正月以右諫議大夫權御

楊察

正月以右正

七王堯臣

孫抃

張方平

八月知

楊察

四月以右諫議大夫

葉清臣

復拜

彭乘

三月以工部郎

錢明逸

三月以右諫議大夫知制誥拜

八王堯臣

孫抃

葉清臣

彭乘

錢明逸

趙槩

楊偉

十二月以刑部郎中知制誥拜

宋祁

六月復拜十月

皇祐

元王堯臣

孫抃

葉清臣

三月以翰林侍讀學士知河陽罷

彭乘

卒

錢明逸

四月除龍圖閣學士知蔡州罷

趙槩

楊偉

翰苑羣書下

聖知不足齋叢書

二王堯臣

孫抃

趙槩

楊偉

嵇穎

八月以刑部員外郎知制誥拜九月卒

三王堯臣

十月除樞密副使

孫抃

趙槩

楊偉

會公亮

四月以刑部郎中知制誥拜

田況

十二月除龍圖閣學士給事中權三司使罷

四孫抃

趙槩

楊偉

會公亮

田況

五孫抃

七月以右諫議大夫權御史中丞罷

趙槩

會公亮

田況 九月除禮部侍郎三司使罷

胡宿

五月以兵部員外郎知制誥拜

至和

元趙槩

楊偉

會公亮

九月除端明殿學士集賢殿脩撰知鄭州罷

胡宿

職列卷三十一

歐陽脩

月以龍圖閣學士吏部郎中拜

呂溱

九月以起居舍人知制誥拜

王洙

月以工部郎中知制誥拜

趙槩

楊偉

胡宿

歐陽脩

六月以侍讀學士集賢殿脩撰知蔡州罷七月復拜

呂溱

二月以翰林侍讀學士知徐州罷

王洙

孫抃 六月復拜承旨

嘉祐

元趙槩

楊偉

宿

歐陽脩

王洙

閏三月以翰林侍讀學士兼侍講學士罷

孫抃

王珪

十二月以翰林侍讀學士起居舍人拜

曾公亮

四月復拜

趙槩

楊偉

胡宿

歐陽脩

孫抃

王珪 七月丁母憂

曾公亮

八月五日

西知不足齋叢書

韓文公

三趙槩

十月除翰林閣學士

讀學士龍圖閣學士

楊偉

二月卒

胡宿

歐陽脩

孫抃

曾公亮

十一月除參知政事

韓絳

三月以吏部員外郎知制誥

四胡宿

歐陽脩

孫抃

韓絳

三月以左諫議大夫權御史中丞

吳奎

三月以兵部員外郎知制誥

王珪

十月復拜

五胡宿

歐陽脩

十一月除樞密副使

孫抃

四月除樞密副使

范鎮

吳奎

十一月除端明殿學士戶部郎中知成都府

賈黯

二月以兵部員外郎知制誥拜九月除翰林侍讀學士知鄧州罷十一月復拜

蔡襄

五月以樞密直學士禮部郎中拜

六胡宿

閏八月除左諫議大夫樞密副使

王珪

賈黯

蔡襄

范鎮

吳奎

六月復拜

俞允文

聖五知不足齋叢書

七王珪

賈黯

蔡襄

范鎮

吳奎

三月除左諫議大夫樞密副使

馮京

十月以翰林侍讀學士右正言拜

八王珪

賈黯

蔡襄

八月遷給事中三司使罷

范鎮

馮京

治平

元王珪

賈黯

范鎮

閏五月遷侍讀學士罷

馮京

王疇

五月以給事中權御史中丞十二月除樞密副使

二王珪

賈黯

馮京

范鎮

三月復拜

三王珪

馮京

八月丁母憂

范鎮

正月除侍讀學士集賢殿脩撰知陳州罷

沈造

九月以龍圖閣學士右諫議大夫權知開封府拜尋丁母憂

四王珪

九月承旨遷

司馬光

閏三月以龍圖閣直學士右諫議大夫兼侍講拜四月除權御史中丞罷

九月復拜

呂公著

開三月以龍圖閣直學士給事中知蔡州

鄭獬

外郎以兵部員外郎知制誥

王安石

十月以工部郎中知制誥知江寧府

學士年表

翰苑題名

翰苑自唐寶應迄於大中學士官族皆刻石龕之屋壁五季以紛擾久廢

藝祖受命首建直廬

太宗親灑玉堂之翰以增寵獎

聖聖稽古推擇尤靳景德初趙安仁晁迥李宗

諤始復置壁記起國初自承旨設以下至

直院用除授次第刊列後居職者皆得以流芳

久遠中遭變故今不復存



睿主中興區武右文東求鴻碩追坦明之制如  
二帝三王之盛以章

列聖之休規模遠矣而姓名未紀來者何觀學  
士秦公梓再有建請未幾出守宣城因循迄今  
該猥以淺陋寓直翫骸之文豈足以潤色丕業  
顧獲繼諸公之後託名於不朽欣幸之極乃為  
之序紹興十八年七月既望左中奉大夫權尚  
書禮部侍郎兼直學士院沈該謹序  
朱勝非建炎元年五月以中書舍人兼權直院  
八月除禮部侍郎依舊兼權十一月除

翰林學士二年五月王綱建炎元年六月以給事  
禮部侍郎依舊兼權葉夢得建炎二年十二月除  
十一月康執權建炎二年以吏部侍郎除翰林學士  
除兵部侍郎兼孫覲兼權直院三年正月能李  
權直院是年罷  
邴建炎二年十一月以兵部侍郎兼權直院三年  
張守建炎三年二月以起居舍人兼權直院三年  
詹父建炎三年二月以龍圖閣滕康建炎三年  
議大夫除翰林學士五月會楸建炎三年八月以  
月除簽書樞密院事五張守建炎三年六月以  
舉西京嵩山崇福宮除翰張守以禮部侍郎除  
林學士是月除禮部尚書

學八知不足齋叢書

翰林學士九月除汪藻建炎三年七月以中書  
 簽書樞密院事兼權四年七月翰林學士九月除  
 給事中依舊兼權五月除翰林學士九月除  
 閣直學士與元五年五月除翰林學士九月除  
 知湖州學士秦密禮建炎四年五月除翰林學士  
 學士知州席益紹興元年八月以中書除胡文脩  
 潭州知席益紹興元年八月以中書除胡文脩  
 元權直院元給事中兼權直院十月除胡文脩  
 兼權直院元給事中兼權直院十月除胡文脩  
 院七月除兵部侍郎觀蔡密禮吏部侍郎兼權  
 學士四年七月除寶文閣學士九月除翰林  
 汝文紹興二年三月承旨四月除參知政事  
 與求紹興元年七月以吏部尚書觀徐俯紹興三  
 是月除簽書樞密院事士二月宮觀徐俯紹興三  
 以諫議大夫除翰林學士十二月宮觀徐俯紹興三  
 是月除簽書樞密院事士二月宮觀徐俯紹興三

郎兼權直院四年四月除禮部侍郎依孫近紹  
 舊兼權直院四年四月除禮部侍郎依孫近紹  
 四年七月以吏部侍郎兼直院五年二月除翰  
 林學士八月除龍圖閣沈與求紹興四年八月  
 學士八月除龍圖閣沈與求紹興四年八月  
 士九月除胡交脩兼權直院五年二月除翰林  
 參知政事胡交脩兼權直院五年二月除翰林  
 士六月尚書朱震權直院六年五月除翰林學  
 除刑部尚書朱震權直院六年五月除翰林學  
 年六月尚書朱震權直院六年五月除翰林學  
 致仕陳與義紹興六年六月以中書舍人兼  
 年六月尚書朱震權直院六年五月除翰林學  
 參知政事胡世將紹興六年六月以中書舍人兼  
 參知政事胡世將紹興六年六月以中書舍人兼  
 兼八年正月除樞密直學士胡寅紹興八年  
 川安撫制置使兼知成都府胡寅紹興八年  
 部侍郎兼權直院五年二月除翰林學士八月  
 院五月以禮部侍郎兼權直院五年二月除翰林  
 院五月以禮部侍郎兼權直院五年二月除翰林

四五知不足齋叢書

文閣待制 呂本中 紹興八年六月以中書舍人兼權直院十月以中書舍人  
 知婺州 紹興八年十一月除御史中丞 孫近 紹興八年八月  
 如淵 兼直院十一月知紹興府除翰林 樓炤 紹興八年  
 以龍圖閣學士知紹興府除翰林 李誼 紹興八年  
 學士承旨十一月除參知政事 林 樓炤 紹興八年  
 翰林學士三月兼權直院九月除工部 李誼 紹興八年  
 二月以中書舍人兼直院九月除工部 李誼 紹興八年  
 侍郎依舊兼十年正月除工部尚書 胡交脩 紹興八年  
 紹興九年六月以兵部尚書兼權翰林學 林待  
 聘 紹興十年五月除端明殿學士知台州 林待  
 院 紹興十年五月除端明殿學士知台州 林待  
 以憂去 范同 直院十年五月除端明殿學士知台州 林待  
 七月除參 程克俊 中紹興十年五月除端明殿學士知台州 林待  
 知政事 紹興十年五月除端明殿學士知台州 林待

兼直院九月除翰林學士 吳表臣 紹興十二年  
 二月除簽書樞密院事 秦梓 紹興十二年  
 尚書兼權學 秦梓 紹興十二年  
 士院二月罷 秦梓 紹興十二年  
 直院三月閏四月除翰林學 王賞 紹興十二年  
 士院三月閏四月除翰林學 王賞 紹興十二年  
 權禮部侍郎兼權直院三月閏四月除翰林學 王賞 紹興十二年  
 除禮部侍郎兼權直院三月閏四月除翰林學 王賞 紹興十二年  
 年八月以徽猷閣直學士提舉萬壽 楊愿 紹興十二年  
 觀兼權直院九月依舊職知饒州 劉才邵 紹興十二年  
 年十月以給事中兼權直院九月依舊職知饒州 劉才邵 紹興十二年  
 三月除兼直院十一月兼權直院九月依舊職知饒州 劉才邵 紹興十二年  
 月除中書舍人依舊兼權直院九月依舊職知饒州 劉才邵 紹興十二年  
 紹興十四年三月以禮部侍郎兼直院九月依舊職知饒州 劉才邵 紹興十二年  
 正月除翰林學士六月以禮部侍郎兼直院九月依舊職知饒州 劉才邵 紹興十二年  
 除資政殿學士 段拂 紹興十四年三月以禮部侍郎兼直院九月依舊職知饒州 劉才邵 紹興十二年  
 提舉萬壽觀 段拂 紹興十四年三月以禮部侍郎兼直院九月依舊職知饒州 劉才邵 紹興十二年

翁范學書下

五平知不足齋叢書

正月除給事中依舊兼權十一月除兼直院錢  
十七年三月除翰林學士是月除參知政事  
周材紹興十七年三月以中書王鑑紹興十七  
中書舍人兼權直院六月罷  
院十二月致仕  
直院八月李椿年紹興十八年三月以權吏部  
年五月罷  
沈該紹興八月除敷文閣待制知潼川府兼直  
椿年紹興八月除敷文閣待制知潼川府兼直  
年十一月以戶部侍郎  
起居舍人兼權直院事王曠紹興三月以  
一居舍人兼權直院事湯思退紹興三月以  
少監兼權直院禮部侍郎四月除起居舍人  
十二年十月除權禮部侍郎四月除起居舍人

朝列卷之六

除禮部侍郎二十五相沈虛中紹興六月以國  
子司業兼權直院八月除權陳誠之紹興五月  
兵部侍郎閣直學士知泉州除翰林學劉才邵  
月以敷文閣直學士知泉州除翰林學劉才邵  
紹興二十六年九月除同知工部侍郎兼權直  
十七年四月除顯謨閣直學士提舉江州太平  
興國王綸紹興二年七月以中書舍人兼  
宮二年綸紹興二年七月以中書舍人兼  
八年二月除兵部侍郎楊椿紹興二年七月  
知樞密院事楊椿紹興二年七月以中書舍人  
兼權翰林學士直院三月除兵部侍郎周  
麟之紹興八月除兵部侍郎直院三月除兵部  
中二十九年閏六月除翰林學士洪遵紹興三  
三十年七月除同知樞密院事

公羽范章書下

至知不足齋叢書

月以吏部侍郎除翰林學士十二月除何溥紹  
徽猷閣直學士提舉江州太平興國宮何溥紹  
三十二年三月以左諫議大夫除翰林學士三  
十二年三月除龍圖閣學士提舉江州太平興  
國宮虞允文紹興三十一年九月以中書舍人兼  
宮虞允文紹興三十一年九月以中書舍人兼  
使陝宣諭劉琪紹興三十一年二月以兵部尚書  
除中書舍人五月兼直院隆興元年十二月居  
一年十一月除集英殿脩撰知泉州唐文若紹興  
直院三十二年二月起居郎兼權知泉州唐文若  
二年五月以徽猷閣直學士知平江府除翰林  
學士六月除承旨隆興元年五月除同知樞密  
院史浩紹興三十二年六月以中書舍人除  
事史浩紹興三十二年六月以中書舍人除  
周材隆興元年六月以中書舍人兼直院王之

望隆興元年十一月以權戶部侍郎兼直院  
大張孝祥隆興二年二月以中書舍人兼直  
夫隆興二年三月以起居舍人兼權知建康府  
騏隆興二年三月以起居舍人兼權知建康府  
四月以太常少卿兼權直院乾道元年五月除  
閏十一月兼直院乾道元年五月除翰林學士  
六月除簽書樞王剛中隆興二年閏十一月以  
密院事租王剛中隆興二年閏十一月以  
學士以避租王剛中隆興二年閏十一月以  
學士院以避租王剛中隆興二年閏十一月以  
以起居郎兼權直院乾道元年七月除中書舍  
直道二年五月以權工部侍郎兼權王曦乾道  
乾道二年五月以權工部侍郎兼權王曦乾道  
直道二年五月以權工部侍郎兼權王曦乾道  
九月以權禮部侍郎兼直院二年五月除中書  
舍人九月以權禮部侍郎兼直院二年五月除

分地書下

至知不足齋書

制	太平興國宮	洪邁	乾道二年十月	起居舍人
除	集英殿脩撰	兼權直院	三年五月	除起居
除	翰林學士	以敷文閣直學士	四年六月	劉琪
除	翰林學士	以敷文閣直學士	五年六月	莫濟
權	直院	十一月	以宗正少卿	兼
吏	部尚書	兼權翰林學士	六年	汪應辰
四	月給事中	兼直院	五年	陳良祐
月	除簽書樞密院	事	五年	相
事	中兼直院	六年	二月	鄭聞
除	吏部侍郎	閏五月	罷	鄭聞
七	年三月	除寶文閣待制	周必大	乾道六年七月
提	舉江州太平興國宮	制	周必大	乾道六年七月
監	兼權直院	七年	七月	除權
禮	部侍郎	八年	二月	宮觀

除	翰林學士	八年三月	除承旨	九年三月	鄭聞
除	端明殿學士	提舉江州太平興國宮	王滄	乾道九年閏	
兼	直院	九月	除權刑部尚書	王滄	乾道九年正月
少	卿兼權直院	七月	王淮	乾道九年四月	以宗正
月	除權工部侍郎	王淮	少卿兼權直院	七月	除
中	書舍人	兼直院			

翰苑題名

翰林學士賈黃中蘇易簡  
同勾當差遣院李沆同判吏部流內銓學士領  
外司自此始也  
淳化二年閏二月命翰林學士賈黃中蘇易簡  
同勾當差遣院李沆同判吏部流內銓學士領  
外司自此始也

翰苑遺事

淳化二年閏二月命翰林學士賈黃中蘇易簡  
同勾當差遣院李沆同判吏部流內銓學士領  
外司自此始也

是年十一月二十三日詔定降麻事例宰臣樞密

使特恩加官除授學士事例銀百兩衣著百  
匹尊恩加食色起復落起復銀五十兩衣著五  
十匹親王以有宣賜事例更不重定公主未出  
降依親王例宣賜已出降合駙馬都尉管送

大中祥符三年閏二月學士晁迥言今月十八  
日宰臣召臣等問所降德音不鎖院之故按本

院舊例赦書德音不會鎖院臣等商議除南郊  
赦書緣車駕齋宿在外竝是預先進入降付中  
書難以鎖院外自餘赦書德音今後竝依降麻  
例鎖院從之

六年八月學士院諮報準詔議定書詔用紙今  
定文武官待制大卿監觀察使以上用白詔紙  
三司副使閤門使少卿監刺史以上用黃詔紙  
自餘非巡幸大禮赦書敕榜外竝用黃表紙從  
之

右四事  
國朝會要

八年四月一日兩制賜御筵於學士院直館及  
朝臣於史館以考核畢也

錢文僖王  
堂逢辰錄

天禧元年二月學士院言詔敕詞尾竝云故茲  
詔示故茲示諭方云想宜知悉內諸道進奉相  
承竝不言詔示示諭竊思詔詞各有嘉獎之意  
亦合標云示諭今欲添入又諸處奏告青詞比  
來只是用紙裹角今請委三司造黑漆木筒五  
十枚凡有奏告封詞齋往從之

國朝會要

乾興元年十月翰林學士晏殊等言先朝楊億



再為學士班錢惟演之上今新添除學士劉筠  
天禧中已入翰林請如故序班臣等之上從之  
其後率如此例 仁宗實錄

天聖元年十月詔翰林學士遇隻日至晚出宿  
蓋故事以雙日鎖院隻日降麻也 仁宗實錄

皇祐元年九月以翰林學士承旨兼端明殿學  
士尚書戶部郎中知制誥王堯臣加諫議大夫  
以久在禁林優遷之也 堯臣歲滿當遷宰臣交  
彥博以其久任請降此  
命

一年九月十六日新除翰林學士栢穎未及謝  
卒詔賜告敕襲衣金鞍勒馬於其家

至和元年九月翰林學士楊察為承旨知制誥  
呂溱王洙竝為翰林學士故事學士六員今洙  
為第七員蓋宰相過除也

嘉祐六年三月承旨宋祁言久病不敢稽朝請  
入學士院欲帶一子主湯藥從之

七年二月學士院言臣僚上表并劄子陳請事  
惟宰臣樞密使方降手詔手書自參知政事樞

密副使已下即無體例去年三月因樞密副使  
陳升之請郡內批令降不允手詔當直學士胡  
宿亦曾論奏以手詔體重乞只降不允詔而不  
從其請竊緣近禁動成故事恐成墮廢典故乞  
自今除宰臣親王樞密使有所陳請事依例或  
降手詔手書自餘臣僚更不降手書手詔許從  
本院執奏從之

凡學士院置待詔十人  
國初承舊制翰林待詔  
六人寫書詔舊制月俸  
九千春冬給衣又有錄書待詔六人寫簽題封  
角月俸止六千謂之東頭待詔雍熙四年廢錄

書待詔翰林待詔十人錄事一人  
景德二年九月  
孔

人並兼御書院祇候  
官劉尚賓年滿已注宿遷縣尉緣主持書詔  
切須諳練欲乞依吏部銓例置主事或錄事以  
本司勒留充職詔以尚賓為錄事給孔日官俸  
後不常置又五代舊制有主事一人周顯德

中孔目官六人奏奏官六人驅使官二十人

廢官舊額六人咸平二年初置待詔講學士別  
補驅使官四人祇應及楊徽之卒復以驅使官  
二人隸學士院因為入人三年四月詔學士院  
不得額外添人自後再除拜文資政待詔待

講龍圖閣樞密直學士皆學士院遣守闕驅使  
官祇應多特補正名遂至二十人景德四年四  
月學士院上言先準敕表奏驅使官闕人於京  
百司兩省三館抽差即不召保揀試本院見  
有守闕表奏官八人驅使官十二人今欲以此  
為守闕定額今後如是闕人即於京百司兩省

私名內抽取依三館例召保揀試送中書看詳  
從之舊又有專知官一人通引官一人廚子六  
人太平興國右六事  
四年並廢國朝會要

治平元年六月翰林學士馮京奏樞密使富弼  
臣妻父也今權知開封府當避弼不許英宗實錄

熙寧六年正月二十一日詔學士院今後大遼  
國書并諸國詔書合要匣複等並自下司取索  
訖關三司破除仍諭諸處更不申乞朝旨

七年十二月八日詔翰林學士知制誥至中書  
樞密院議事許繫鞋遇朔望及不因公事依例

窮執

十年十月三日學士院言編脩諸司式所送本  
院式十卷編學士員數并錄表疏青詞祝文鎖  
院敕設宿直之類看詳學士員數繫朝廷臨時  
除授若表疏青詞祝文或請禱之意不同難用  
一例况朝廷待學士禮意稍異宜召敕設盡出  
特恩關白中書樞密院止用諮報不同諸司乞  
下本所以吏人差補及官物出入之類並立為  
式學士所職更不編載從之

翰苑書

五六班不足齋叢書

元豐二年十一月翰林學士蒲宗孟乞敘班章  
惇下從之以惇先曾任翰林學士丁憂服闕再  
為學士故也

是年十月詔翰林學士竝聽佩魚

元祐元年七月詔從承旨鄧溫伯之請學士如

獨員每兩日免一宿候有雙員即依故事右六事

續會要

政和五年十月

徽宗皇帝御書摘文堂三字賜承旨強淵明以

榜於院 徽宗實錄

紹興三十年五月

太上皇帝御書玉堂二大字賜學士周麟之得

旨於都省宣示宰執俟中祕暴書俾侍從館閣

官咸得觀仰刻石院中仍以石本分賜

隆興元年十一月七日 聖旨學士院官經筵

官日輪二員宿直於學士院以備顧問續降

旨揮遇赴 德壽宮起居 聖節開啓滿散

車駕詣 景靈宮四孟朝獻 國忌行香前一

日及旬假節假每遇筵宴竝與免宿

隆興二年閏十一月敷文閣直學士王剛中除翰林學士以祖諱翰改除禮部尙書直學士院唐制自宰相而下初命皆無宣召之禮惟學士宣召蓋學士院在禁中非內臣宣召無因得入故院門別設複門亦以通禁庭也又學士院北扉者爲其在浴堂之南便於應召今學士初拜自東華門入至左承天門下馬待詔院吏自左承天門雙引至閣門此亦用唐故事也唐宣召

學士自東門入者彼時學士院在西掖故自翰林院東門赴召非若今之東華門也至如挽鈴故事亦緣其在禁中雖學士院吏亦止於玉堂門外則其嚴密可知如今學士院在外與諸司無異亦設鈴索悉皆文具故事而已

學士院玉堂 太宗皇帝曾親幸至今惟學士上日許正坐他日皆不敢獨坐故事堂中設視草臺每草制則具衣冠據臺而坐今不復如此但存空臺而已玉堂東承旨閣子窗格上有火

燃處 太宗嘗夜幸玉堂蘇易簡為學士已寢遽起無燭具衣冠宮嬪自窗格引燭入照之至今不欲更易以為玉堂一盛事

右二事沈括筆談

先公嘗言翰林學士居深嚴之地職任事體與外司不同至於謁見相府自非朔望慶弔止公服繫鞋而已學士於內庭出入或曲詔亦不具靴簡若同列齊行前此命朱衣吏雙引抗聲言學士來直至宮門方止歸院則朱衣吏遞聲呼學士來者數四故事學士敘班只在宰相後今

之參知政事班位即舊日學士立班處也近朝以來會赴內殿起居敘班在樞密宣徽使後惟大朝會入閣聖節上壽始得綴台司步武焉吾自延州歸闕再忝內職時與朱崖盧相同列依舊命吏前後雙引既而盧謂吾曰今府尹令尹時兼中書令親賢英仁復兼右相尚以一朱衣前導吾儕為學士而命吏雙引因令罷去雙引自是抗聲傳呼之儀亦稍罷矣

蔡文忠以翰林兼侍讀兩學士改龍圖閣學士

知密州自翰林改龍閣出藩繇文忠始也

右二事宋

敏求退朝錄

丁晉公自保信軍節度使知江寧府召為參知政事中書以丁節度使召學士草麻時盛文肅為學士以為參知政事合用舍人草制遂以制除丁甚恨之

太宗時宋白賈黃中李至呂蒙正蘇易簡五人同時拜翰林學士承旨扈蒙贈之以詩云五鳳齊飛入翰林其後呂蒙正為宰相賈黃中李至

蘇易簡皆至參知政事宋白官至尚書老於承旨皆為名臣

楊大年為學士時草荅契丹書云鄰壤交歡進草既入 眞宗自注其側云朽壤鼠壤糞壤大年遽改為鄰境明且引唐故事學士作文書有所改為不稱職當罷因亟求解職 眞宗語宰相曰楊億不通商量真有氣性

故事學士在內中院吏朱衣雙引 太祖朝李昉為學士 太宗在南衙朱衣一人前引而已

昉亦去其一人至今如此

往時學士入劄子不著姓但云學士臣某先朝盛度丁度竝為學士遂著姓以別之其後遂皆著姓

唐人奏事非表非狀者謂之榜子亦謂之錄子今謂之劄子凡羣臣百司上殿奏事兩制以上非時有所奏陳皆用劄子中書樞密院事有不降宣敕者亦用劄子與兩府自相往來亦然若百司申中書皆用狀惟學士院用諮報其實如

劄子亦不出名但當直學士一人押字而已謂

之諮報

今俗謂草書名為押字也

此唐學士舊規也唐世學

士院故事近時隳廢殆盡惟此一事在爾

往時學士循唐故事見宰相不具靴笏繫鞋坐玉堂上遣院吏計會堂頭直省官學士將至宰相出迎近時學士始具靴笏至中書與常參官雜坐於客位有移時不得見者學士日益自卑丞相禮亦漸薄竝習見已久恬然不復怪也嘉祐二年樞密使田公況罷為尙書右丞觀文



殿學士兼翰林侍讀學士罷樞密使當降麻而止以制除蓋往時高若訥罷樞密使所除官職正與田公同亦不降麻遂以為故事 眞宗時丁晉公謂自平江軍節度使除兵部尙書參知政事節度使當降麻而朝議惜之遂止以制除近者陳相執中罷使相除僕射降麻罷籍罷節度使除觀文殿學士又不降麻蓋無定制也 仁宗初立 今上為皇子令中書召學士草詔學士王珪當直召至中書諭之王曰此大事也

必須面奉聖旨於是求對明日面稟得旨乃草詔羣公皆以王為眞得學士體也

端明殿學士五代後唐時置 國朝尤以為貴多以翰林學士兼之其不以翰苑兼職及換職者百年間纔兩人特拜程戡王素是也

王元之在翰林嘗草夏州李繼遷制繼遷送潤筆物數倍於常然用啓頭書送拒而不納蓋惜事體也近時舍人院草制有送潤筆物稍後時者必遣院子詣門催索而當送者往往不送相

承既久今索者送者皆恬然不以爲怪也

右十一事

歐公歸田錄

臣伏見 國家承五代之餘建萬世之業誅滅僭亂懷來四夷封祀天地制作禮樂至於大臣進退政令改更學士所作文書皆繫朝廷大事示於後世則爲王者之訓謨藏之有司乃是

本朝之故實自明道已前文章草槩尙有編錄景祐以後漸成散失臣會試令類聚收拾補綴已失其五六使 聖宋之盛文章詔令廢失

湮淪緩急事有質疑有司無所檢證蓋由從前雖有編錄亦無類例卷第祇是本院書吏私自鈔寫所以易爲廢失臣今欲乞將 國朝以來學士所撰文書各以門類依其年次編成卷秩號爲學士院草錄有不足者更加求訪補足之仍乞差本院學士從下兩員專切管句自今已後接續編聯如本行人吏不畫時編錄致有漏落許令本院舉察理爲過犯此臣本院常事也所以上煩聖聽者蓋以近歲以來百司綱紀相

承廢壞事有曾經奏聞及有聖旨指揮者僅能  
遵守若祇是本司臨時處置其主判之官纔罷  
去則其事尋亦廢停所以止欲乞朝廷特降指  
揮所貴久遠遵行不敢廢失 六一居士集

唐制翰林學士本職在官下五代趙鳳爲之始

諷宰相任園移在官上

按趙鳳升學士於  
官上乃端明殿也

唐翰林院在銀臺之北乾封以後劉禕之元萬  
頃之徒時宣召草制其閒因名北門學士今學  
士院在樞密院之後腹背相倚不可南向故以

其西廊西向爲院之正門而後門北向與集英  
殿相直因暢曰北門兩省樞密院皆無後門惟  
學士院有之學士退朝入院與禁中宣命往來  
皆行北門而正門行者無幾不特取其便事亦  
以存故事也

唐翰林院本內供奉藝能伎術雜居之所以詞  
臣侍書詔其閒乃藝能之一爾開元以前猶未  
有學士之稱或曰翰林待詔或曰翰林供奉如  
李太白猶稱供奉自張垞爲學士始別建學士

院於翰林院之南則與翰林院分而為二然猶  
冒翰林之名蓋唐有宏文館學士麗正殿學士  
故此特以翰林別之其後以名官訖不可改然  
院名至今但云學士而不冠以翰林則亦自唐  
以來沿習之舊也

唐翰林學士結銜或在官上或在官下無定制  
余家藏唐碑多如大和中李藏用碑撰者言中  
散大夫守尚書戶部侍郎知制誥翰林學士王  
源中之類則在官下大中中王巨鏞碑撰者言

翰林學士中散大夫守中書舍人劉琢之類則  
在官上琢仍不稱知制誥殊不可曉

按劉琢不稱知制誥

唐以來至國朝熙寧官至中書舍人則不帶三字

俗稱翰林學士為坡蓋唐德宗時嘗移學士院  
於金鑿坡上故亦稱鑿坡唐制學士院無常處  
駕在大內則置於明福門在興慶宮則置於金  
明門不專在翰林院也然明福金明不以為稱  
不常居之爾諫議大夫亦稱坡此乃出唐人之  
語諫議大夫班本在給舍上其遷轉則諫議歲

滿方遷給事中自給事遷舍人當時語云饒道  
升上坡去亦須卻下坡來以諫議爲上坡故因  
以爲稱見李文正所記

學士院舊制自侍郎以上辭免除授則賜詔皆  
留其章中書而尙書省略其事因降劄子下院  
使爲詔而已自執政而下至於節度使使相則  
用批荅批荅之制更不由中書直禁中封所上  
章付院令降批荅院中卽更用紙連其章後書  
辭併其章賜之此其異也辭旣與章相連後書

省表具之字必長作表字傍一撇通其章階位  
上過謂之抹階若使不復用舊銜之意相習已  
久莫知始於何時

舊制學士以上賜御仙花帶而不佩魚雖翰林  
亦然惟二府服笏頭帶佩魚謂之重金元豐官  
制行始詔六曹尙書翰林學士皆得佩魚故蘇  
子瞻謝翰林學士表云玉堂賜篆仰淳化之彌  
文寶帶重金佩元豐之新渥玉堂之署四字  
太宗飛白書淳化中以賜蘇易簡

蘇參政易簡登科時宋尙書白爲南省主文後  
七年宋爲翰林學士承旨而蘇相繼八院同爲  
學士宋嘗贈詩云昔日曾爲尺木階今朝真是  
青雲友歐陽文忠亦王禹玉南省主文相距十  
六年同爲學士故歐公詩有喜君新賜黃金帶  
顧我今爲白髮翁之句二事誠一時文物之盛  
也

學士院正廳曰玉堂蓋道家之名初李肇翰林  
志言居翰苑者皆謂陵玉清遡紫霄豈止於登

瀛州哉亦曰登玉堂焉自是遂以玉堂爲學士  
院之稱而不爲榜 太宗時蘇易簡爲學士

上嘗語曰玉堂之設但虛傳之說終未有正名  
乃以紅羅飛白玉堂之署四字賜之易簡卽局  
鐫置堂上每學士上事始得一開視最爲翰林  
盛事紹聖閒蔡魯公爲承旨始奏乞摹就杭州  
刻榜揭之以避 英廟諱去二字止曰玉堂云  
韓門下維以賜出身熙寧末特除翰林學士崇  
寧中林彥振賜出身用韓例亦除翰林學士國

朝以來學士不由科第除者惟此二人

按韓省試中以

父億執政不就廷試後為館職以至兩制未嘗賜第也

唐詔令雖一出於學士遇有邊防機要大事學士不能盡知者則多宰相以處分之要者自為之辭而付院使增其首尾嘗式之言謂之詔意今猶見於李德裕鄭畋集近歲或出於宰相進呈訖但召待詔即私第書寫或詔學士宰相面授意退而具草然不能無改定也

右十一事石林燕語

舊學士院在樞密院之後其廊廡與密院後廊

中分門乃西向玉堂本以待乘輿行幸非學士所得常居惟禮上之日略坐其東受院吏參謁其後為主廊北出直集英殿則所謂北門也學士僅有直舍分於門之兩旁每鎖院受詔與中使坐主廊余為學士時始請闢兩直舍各分其一開與北門通為三以照壁限其中屏閒命待詔鮑詢畫花竹於上與玉堂郭熙春江晚景屏相配當時以為美談後聞王丞相將明為承旨旁取西省右正言廳以廣之中為殿曰右文

會從叔祖司空道卿慶歷中爲翰林學士仁  
祖欲大用會宋元憲爲相同年厚善或以爲言  
乃與元憲俱罷然 仁宗欲用之意未衰也再  
入爲三司使而陳恭公尤不喜適以憂去免喪  
不召就除知澶州吾大觀中亦忝入翰林因曲  
謝略敘陳 太上皇喜曰前此兄弟同時迭爲  
學士者有矣未有宗族相繼於數世之後不惟  
朝廷得人亦可爲卿一門盛事吾頓首謝  
唐制詔敕號令皆中書舍人之職定員六人以

其一人爲知制誥以掌進畫翰林學士初但爲  
文辭不專詔命自校書郎以上皆得爲之班次  
各視其官亦無定員故學士八皆試五題麻詔  
敕詩賦而舍人不試蓋舍人乃其本職且多自  
學士遷也學士未滿一年猶未得爲知制誥不  
與爲文歲滿遷知制誥然後始竝直本朝既重  
學士之選率自知制誥遷故不試而知制誥始  
亦循唐制不試雍熙初 太宗以李文正公沆  
及宋湜王化基爲之化基上章辭不能乃使中



書竝召試制誥二首遂為故事其後梁周翰薛  
映梁鼎亦或不試而用歐陽文忠公記惟公與  
楊文公陳文惠公三人者誤也

太宗敦獎儒術初除張參政洎錢樞密若水為  
翰林學士喜以為得人諭輔臣云學士清切之  
職朕恨不得為之唐故事學士禮上例弄獼猴  
戲不知何意 國初久廢不講至是乃使敕設  
日舉行而易以教坊雜手伎後遂以為例而余  
為學士時但移開封府呼市人教坊不復用矣

既在禁中亦不敢多致但以一二伎充數爾大

觀末余奉詔重脩翰林志嘗備錄本末會余罷

書不克成

右四事業夢  
得避暑錄話

謝克家除翰苑以祖諱辭有旨銜內權不繫三  
字謝以不帶三字止同職名不可赴院供職又

固辭

熙寧初韓子華拜相其弟持國在翰苑 神宗

前期諭令草制注意厚矣持國懇辭弟兄之嫌  
得請元符末曾子宣爰立其弟子開直北門

徽廟特命草麻蓋示眷寵也

右二事謝伋  
四六談塵

學士及舍人院最重題名學士及舍人赴職之  
日本院設具應佗學士給諫丞郎待制皆預會  
以是日題名於石玉冊官刊字後有拜宰相者  
即其名下刊相字其家遣子弟齋宴具就本院  
召學士待制以上皆集最為盛禮自元豐行官  
制之後一切廢罷矣

劉子儀在南陽以翰林學士召中途改成都彌  
年又召為學士至西京復加兩學士知鄭州謝

表云仙山已到屢為風引而還長安甚遙豈覺  
日邊之近

故事皇子出閣以翰林學士一員掌牋表南豐  
先生以中書舍人掌延安郡王牋表出於一時

之選也

右三事曾紆  
南游記舊

國朝因仍舊制翰林學士分日遞直夜入宿以  
備著撰日再而更遇鎖院不前聞日晏禁中連  
遣走隸家召至則皇城門將閉矣少頃御藥入  
院以客禮見探懷出御封屏吏啓緘即詞頭也

御藥取燭視局鑰退就西閣宿學士歸直舍草制未五鼓院吏書待詔持紙筆立戶外學士據案授橐吏細書奏本待詔用麻紙大書乃付門下省庭宣者學士臨視點勘匱封以授御藥御藥啓局持入禁中院吏復局至朝退然後開院率以爲常若遇命相則禁中別設綵殿召學士由內東門入繫鞋立墀下上御小帽窄衫束帶御座側獨設一繡墩少東置机陳筆硯其上侍衛者皆下學士升殿造膝受旨趨机書所得

除日進呈置袖中侍衛者皆上乃宣坐賜茶已復庭謝御藥押送入院鎖宿如常制臣近自禮部尙書入爲翰林學士八月二十一日晚被召至綵殿獲覩盛儀如前所云有旨除唐恪少宰罷徐處仁吳敏相上旣授旨復從容語時事久之是日復除順德帝姬一夕凡四制翊日入侍經筵上曰詞頗逮意旣退遣中使至玉堂賜臣筆硯等十三事皆當日殿中所設上所常御者紫青石方硯一琴光螺鈿匣一宣和殿

墨二斑竹筆二金筆格一塗金鎮紙天祿二塗  
金硯水蝦蟆一貯黏麴塗金方匳一鎮紙象尺  
二薦硯以紫蚰匣以黃方啓封時硯漬墨未乾  
匳中餘麴猶存顧惟韋布書生幸以詞命爲職  
乃被賜人主所御筆硯則知翰苑職親地近非  
他要官比如臣鄙陋豈所宜蒙哉異時當草命  
相制閒有被此賜者雖故事實異恩且詞臣之  
極榮也臣既什襲寶藏以傳子孫因紀其事以  
補翰林志缺文焉昔錢思公嘗謂朝廷之官雖

宰相之重皆可雜以他才處之惟翰林學士非  
文章不可當時頗以此語取怒於人歐陽文忠  
公自作內制集序猶以斯言爲愧末乃云亦以  
誇於田夫野老而已然則臣之所以記此者亦  
將以爲田野之美談爾靖康元年十月望日記

王寓王堂  
賜筆硯記

先生與僕論官制因言及玉堂故事先生曰且  
如玉堂兩字人多不解 太宗皇帝嘗飛白題  
翰林學士院曰玉堂之署蓋此四字出於李彞

傳且玉堂殿名也而待詔者有直廬在其側李  
尋時待詔黃門故曰久汗玉堂之署至英廟  
嗣位乃徹去及元豐中有翰林學士上言乞摘  
去二字復榜院門以為臣下光寵詔可是乞以  
殿名名其院也不遜甚矣僕退而檢漢書蓋漢  
之待詔者或在公車或在金馬門或在宦者廬  
或在黃門時李尋待詔黃門哀帝使侍中往問  
災異對曰臣尋位卑術淺過隨眾賢待詔食太  
官衣御府久汗玉堂之署師古曰玉堂殿在未

央宮然制度不見其詳獨翼奉傳略載之奉嘗  
上疏曰漢德隆盛在於孝文皇帝躬行節儉外  
省繇役其時未有甘泉建章及上林中諸離宮  
館也未央宮又無高門武臺麒麟鳳皇白虎玉  
堂金華之殿獨有前殿曲臺漸臺宣室承明耳  
以此考之則玉堂殿乃武帝所造也僕後以問  
先生先生曰然馬永易元城先生語  
唐制翰林學士初入院賜設并衣服中和節賜  
紅牙銀寸尺上巳重陽竝賜宴曲江清明賜新

火夏賜冰臘日賜口脂及紅雪燥豆歲前賜歷  
日有所脩撰則賜茶果酒脯策試程文則賜設  
并匹帛社日賜酒蒸餅饅餅等事見唐人文集  
李邕號翰林六絕謂文學書翰等六事過人李  
絳初入院憲宗親擇笏以賜之李昉久掌內制  
太宗朝作相赴學士院敕設賦詩奏謝序述七  
盛如請真俸給餐錢朱衣雙引初除宣召敕諭  
正謝賜鞍馬之類皆前代所無也 太宗好儒  
嘗宣諭蘇易簡曰詞臣情美朕恨不得為之夜

幸本院易簡已寢內侍以秉燭自窗照之俾其  
衣冠窗紗燃破後不復補以示優禮 帝善書  
他日作飛白玉堂之署四字賜易簡至元豐中  
神宗一新官制學士與六部尚書一等帶皆重  
金蘇子瞻謝表云玉堂賜篆仰淳化之彌文寶  
帶重金佩元豐之新渥建炎改元余忝召命謝  
章以七盛對六絕燃窗對擇笏亦前輩偶然未  
用者也是歲議裁省百司冗費學士院月給餐  
錢三百千

學士食料待詔人吏等添給鎖院御  
藥并人從宣召快行家事例皆用此

錢亦在裁去之數余與宰相論之不從因經筵  
奏事為上言七盛故事云餐錢其一也祖  
宗舊典近歲未嘗增數豈可與百司弊事同廢  
哉上大以為然令傳旨如故朱勝非秀水閒居錄

翰苑遺事

翰苑秩清地禁沿唐迄今為薦紳榮遵  
世蒙

國恩父子兄弟接武而進實為千載幸  
遇曩嘗粹遺事一編竭來建鄴以家舊  
藏李肇元稹韋處厚韋執誼楊鉅丁居  
晦泊我

宋數公凡有紀於此者併棄之木仍以  
國朝年表

中興題名附乾道九年二月七日番陽

洪遵書於清漪閣

國朝平史

宋禮公只自歸於此青竹架之木也

神出姓

蘇李學云蘇草與草皆蘇蘇也

歐異嘗蘇蘇事一蘇蘇來歐蘇以宋書

國恩父子只弟對近而並實為于蘇李

世崇

韓茂林書世禁以書或今為蘇蘇架



